



Nuuk ulloq 19. decembari 2024

## **Uunga**

### **Aalisarnermut Piniarnermullu Naalackersusoqarfik**

**Taamaallaat e-mailikkut nassiuppoq ukununga [APN@nanoq.gl](mailto:APN@nanoq.gl) & cc. [jepa@nanoq.gl](mailto:jepa@nanoq.gl) , [thra@nanoq.gl](mailto:thra@nanoq.gl)**

### **Tusarniaanermut akissut - Aalisarnerup teknikkikkut iluarsartuussaana pillugu Namminersortutik Oqartussat nalunaarutissaannut siunnersuut**

Niisa Trawl Aps aamma Sikuaq Trawl A/S sinnerlugit matumuuna tusarniummut akissuteqarlutik aalisarnerup teknikkikkut iluarsartuunneqarnera pillugu nalunaarummut allannguutissanik siunnersuuteqarpugut.

Aalisarnerup teknikkikkut iluarsartuunneqarnera pillugu nalunaarut allanngortinneqarani atuutsinneqalissaguni aningaasatigut annertuumik kinguneqassaaq nunamut, inuussutissarsiummut, selskabit inuttaannut aamma kommuninut malunniuttussamik.

Sikuaq Trawl A/S eqqarsaatigalugu § 5 imm. 1 aamma 2-mi allassimasut kinguneqassapput kilisaatip Svend C-p 56° V-p avataani aalisartariaqalissammat. § 5 imm. 3-mi allassimasut paatsuunganartippagut, nalorninarmat tassani aalajangersakkat malillugit Diskokarsimi aalisaannarsinnaanersoq pisanilu tamakkerlugit nunami tunitsivinnut tunisarlugit.

Nalunaarutip aalajangersagai malillugit kilisaatip Svend C-p Diskokarsimi aalisarnini ingerlatiinnarsinnaavaa umiarsuartut naggatissami tungaanut, tamatumalu kingorna tassani aalisarnej selskabip ingerlateqqiinnarsinnaavaa, aatsaalli taartissaa kilisaat 40 meterit sinnernagit takissuseqarpat 1000 BT-illu sinnernagit oqimaassuseqarluni.

### **Sinerissap qanittuani pisassiissutinit ukiuni qaangiuttuni aalisartakkat aamma tulaassisussaataaerup periarfisseeqqaarani allanngortinneqarnera**

Sikuaq Trawl A/S-ip piffissami 2001 - 2012 Kitaani raajartassiissutininik pisiortortarsimavoq, taakkualu aalisarneranni 75%-imik nioqqutissiorsinnaaneq atorsimallugu. Kilisaatit Steffen C-p (2006-2016) aamma Svend C-p (2017-) ukiumut pisassiissutit taakkua annersaat Diskokarsimi qaqittarsimavaat.

Nalunaarut allanngortinnagu atulersinneqassappat Sikuaq Trawl A/S-ip iluanaaruteqarnissaminut tunngavia tassangaannaq allanngussaaq, piffissammi sivikitsuararsuup iluani periarfissiinani allannguneq selskabimut inuussutissarsiummullu kingunerlussaaq kilisaatip aalisarsinnaassusaanik tamakkiisumik atuisinnaajunnaarnermik pisassiissutillu nungunneqarsinnaajunnaarnerannik malitseqassammat. Nalunaarutip kingunerisassai aalisarnermut inatsisip siunertaanut akerliupput.

### **Aningaasaqarnikkut kingunerisassai**



Sikuaq Trawl A/S suli periarfissaqarpoq Diskokarsimi aalisaannarnissaminut, taamaaliussagunili pisani tamakkerlugit nunamut tulaattassavai, taamatumalu kingunerissavaa kaaviiartitat apparnerat inuttallu isertittagaasa apparnerat. Ilutigisaanittaaq inuiaqatigiit kalaallit annaasaqassapput aalisarnermi akitsuutit appassammata aammalu akileraartarnikkut inuttanit selskabimillu isertittakkat appassammata.

Ataani aningaasatigut kingunerisassaasa naatsorsorneranni 2025-mi pisassiissutisarineqartussatut naatsorsuutigineqartut ullumilu akit aningaasartuutillu toqqammavigineqarput.

Kingunerisassai	mio. kr.
Kaaviiartitat appariaataat	69,0
Akitsuutit appariaataat	25,0
Inuttat isertitaasa appariaataat	13,0
Inuttat akileraarutaasa appariaataat	5,5

Naatsorsuutigaarput avataasiarluni aalisalernermi 75 %-inillu tunisassiirluni assinganik inuiaqatigiinnut kinguneqarumaartoq, tassami selskabip qanga avataasiarluni pisassiissutaatini aalisalerniuk pineqartuni aalisagartassat ingerlatsisut allat unammillerlugit annertunermik qallorneqalissapput. Tamatumalu ilutigisaanik Diskokarsimi qallorneqartut appariaateqarujussuassapput, atuutsitsilernermi ingerlatsisut nutaat piareersimaviangiimmata umiarsuit annerpaamik 40 meterinik angissusillit atorlugit pisassinneqareerlutik aalisalernissaminut.

Piffissaq ungasinnerusoq eqqarsaatigalugu aalisariutit 40 meterit ataallugit angissusillit atorlugit aalisarnek imminut akilersinnaasumik atuilluartumillu ingerlasinnaasoq ilimaginngilarput – isertitat, ingerlatsillaqqissuseq inuttallu isumannaallisaanikkut atugaat eqqarsaatigalugit.

### **Naggataatigut oqaatigiumasat**

Angallatit umiarsuarmilu nioqqtissiornerit millilernerqarnerisigut aningaasaqarnikkut pitsaanngitsumik nunamut inuussutissarsiummillu ingerlatsisunut kinguneqartussaammata, nalunaarutip ilusilerneqarsimaneranut assut paasiuminaatsitsivugut.

Siunnersuut pillugu tunngavilersuutit kingunerisassaanillu naatsorsuinerit ilisimarussapput, uagut takusinnaanginnatsigit aningaasatigut, avatangiisitigut raajartassallu angissusaannut iluaqutissai.

Nalunaarutip taamatut ilusilerneqarneranut pitsaasunik tunngavilersortoqarsinnaappat kissaatigissavarput atuutsitsilernissamut naammattumik piffissaliisoqassasoq, taamaaliornikkut selskabit ingerlatsisut tulluussaannissaminut piffissaqaqqullugit nunattalu pisuussutaanik pitsaanerpaamik atuisinnaaqqulluta.

Inussiarnersumik

Sikuaq Trawl A/S aamma Niisa Trawl ApS sinnerlugit

Carl Christensen, Pisortaq